

17115

34



梅村集卷第十一

七言律詩一

梅村

只是多直頭布  
袋語惜其盛名  
早就無人商量  
未暇鍾鍊抹評

枳籬茅舍掩蒼苔  
乞竹分花手自栽  
不好諸人貪  
客過慣遲作  
荅愛書來  
閒牕聽雨攤  
詩卷獨樹看  
雲上嘯臺桑  
落酒香盧橘  
美釣船斜繫  
草堂開

王烟客招往西田  
同黃二攝六王  
太子彥及  
家舅氏朱昭  
芭李爾公賓  
侯兄弟賞菊

九秋風物令公香

文肅嗜菊  
此其遺愛

三徑滋培處  
士莊花



俳

菊與首陽何益

似賜緋兼賜紫人曾衣白對衣黃未堪醉酒師彭  
澤欲借飡英問首陽轉眼東籬有何意莊嚴金色  
是空王

俗 其二

不扶自直疎還密已折仍開瘦更妍最愛蕭齋臨  
素壁好因高燭耀華鈿坐來艷質同杯泛老去孤  
根僅瓦全蒔者以瓦束土苦向鄰家怨移植寄人籬下受  
人憐

和王太常西田雜興韻

一卧溪雲相見稀繫船枯柳叩斜扉橋通小市魚  
蝦賤水遶孤邨烟火微到處琴書攜自近驟來賓  
客看人圍画將松雪花溪卷補入西田老衲衣

其二

積暑空庭鳥雀稀泉聲入竹冷巖扉芒鞋藤杖將  
迎少鱗舍魚莊生事微病酒客攜茶斝到罷棋人  
簇画圖圍日斜清簟追凉好移榻梧陰見解衣

其三

苦竹黃蘆宿火稀渡頭人歇望歸扉偶添小閣林

研茶  
取者



收

巒秀漸見歸帆烟靄微  
蔬圃草深鳧雁亂水亭橋  
沒芰荷圍夜涼捲幔深  
更話已御秋來白袷衣

其四

竹塢花潭過客稀灌畦纔罷掩松扉  
道人石上支頤久漁父磯頭款乃微  
潮沒秋田孤鷺遠閣含山雨斷虹圍  
亭臯木落黃州夢江海翩躚一羽衣

其五

亂後歸來桑柘稀牽船補屋就柴扉  
游魚自見江湖濶野雀何知身體微  
聽說詩書田父喜偶譚城市醉人圍  
昨朝換去機頭布已見新縫短後衣

其六

勝情今日似君稀鷺立灘頭隱釣扉  
屋置茶寮圖陸羽軒開畫壁祀探微  
蕭齋散帙知耽癖高座談經早解圍  
手植松枝當塵尾雲林居士水田衣

其七

相逢道舊故交稀偶過鄰翁話掩扉  
陶氏先疇思士行謝家遺緒羨弘微  
城中賜第書千卷祠下豐碑柳十圍  
今日亂離牢落甚秋風禾黍淚沾衣

非月何貌

收

收



其八

春曉臺前春思稀故園蘿薜繞山扉  
僮畊十畝桑麻熟僧住一龕鐘磬微  
題就詩篇纔滿壁種來松栝已成圍  
而今却向西田老換石栽花典敝衣

壽王子彥五十

二十登車侈壯游軟塵京雒紫驂騮  
九成宮體銀

鈞就

善歐體

萬卷樓居玉軸收

家有樓名萬卷

縱解携蒲非

漫戲卽看哺齧亦風流善筍輿芒屨春山路故舊

相逢總白頭

其二

舊業城西二頃田著書聞已續長編  
兩賢門第知應補十上木名祇自憐  
投老漫裁居士服畏人還趨孝廉  
船只因梅信歸來晚手植松枝暗記年

其三

懶將身世近浮名殘客繇來厭送迎  
獨處意非關水石逢人口不識杯鐺  
衣帽蘊藉多風貌硯几清嚴見性情  
子弟皆賢賓從好似君纔勿媿平生

其四



雖云文籍與儒林，獨行居然擅古今。五簋留賓高士約，百金投客故人心。尊彝布列圖書貴，花木蕭疎池館深。晚向鹿門思采藥，漢濱漁父共浮沉。

姜如須從越中寄詩次韻

漂泊江湖魯兩生，亂離牢落暮雲平。秦餘祀日刊黃縣，越絕編年紀赤城。南菊逢人懷故國，西牕聽雨話陪京。不堪兄弟頻回首，落水蕭蕭非世情。

言懷

苦留蹤跡住塵寰，學道無成且閉關。只為魯連寧蹈海，誰云介子不焚山。枯桐半死心還直，斷石經移蘚自斑。欲就君平問消息，風波幾得釣船還。

周五子俶讀書愛客白擲劇飲又善音律好

方伎為此詩以嘲之

大隱先生賦索居，比來詩酒復何如。馬融絳帳仍吹笛，劉向黃金止讀書。窮賴文章供飲博，興因賓客賣田廬。莫臨廣武頻長嘆，醉後疎狂病未除。

同許九日顧伊人洞庭山館聽雨

曉閣登臨意渺然，蘆花蕭瑟五湖天。雲深古洞藏

收 8

收 三

收 〇



書卷木落空山奏管絃魚市有租堪載酒橋官無  
俸且高眠莫愁一夜西牕雨笠澤烟波好放船

過甫里謁願公因遇雲門具和尚

晴湖百頃寺門橋梵唱魚龍影動搖三要宗風標

漢月

具公之師同論三玄三要

四明春雪送江湖

具公越人

高原落

木天邊斷獨夜寒鐘句裏銷布襪青鞋故山去扁

舟蘆荻冷蕭蕭

時應佛日請將行

代具師荅贈

微言將絕在江南一杖穿雲過石龕早得此賢開

講席便圖作佛住精藍松枝豎義無人會貝葉翻

經好共參塵尾執來三十載相逢誰似使君談

與友人譚遺事

曾侍驪山清道塵六師講武小平津雲旄大燾星

辰動天策中權虎豹陳一自羽書飛紫塞長教鉦

鼓恨黃巾孤臣流涕青門外徒使田橫客笑人

追悼

秋風蕭索響空幃酒醒更殘淚滿衣辛苦共嘗偏

早去亂離知否得同歸君親有媿吾還在生死無

收

本色高華

收



端事總非最是傷心看穉女一窓燈火照鳴機

謁范少伯祠

在金明寺中有陶朱公里四字碑

艤棹滄江學釣魚五湖何必計然書山川禹穴思  
文種烽火胥臺弔伍胥浪擲紅顏終是恨拜辭烏  
喙待何如却嗟愛子猶難免霸越平吳事總虛

題登封兩烈婦井梧遺恨詩

焦太僕孫婦楊氏牛氏

少室山頭二女峰斷猿哀雁暮雲重早題蘚石留  
貞史却寫椒漿事禮宗恨血千年埋慘澹寒泉三  
尺照從容碧梧夜落秋堦冷環珮歸來聽曉鐘

○ 鴛湖感舊

子曾過吳來之竹亭湖墅出家樂張飲後  
來之以事見法重游感賦此詩

落日晴湖放楫迴故人曾此共登臺風流頓盡溪  
山改富貴何常簫管哀燕去妓堂荒蔓合雨侵鈴  
閣野棠開停橈却望烟深處記得當年載酒來

○ 武林謁同門張石平

河南人官糧儲觀察

湖山曉日鳴笳吹楊柳春風駐羽幢二室才名官  
萬石兩河財賦導三江舊游笑我連珠勒多難逢

收

收

是曲子

8

收



君倒玉釭十載弟兄無限意夜深聽雨話西牕

登數峰閣禮浙中死事六君子

鴻寶倪公茗柯凌公巢軒

周公四名施公孫齋吳公賓日陳公

四山風急萬松秋遺廟西泠枕碧流故國衣冠懷  
舊友孤忠日月表層樓赤虹劍血埋燕市白馬銀  
濤走越州盛事若修陪祀典漢家園寢在昭丘

陳青雷以半圃索題走筆戲贈

半間茅屋半牀書半賦閑游半索居領略溪山應  
不盡平分風月復何如黠癡互有纔忘世廉讓中  
間好結廬自是圖全非易事與君隨意狎樵漁

題西泠閨詠

并序

石城卞君者系出田居隱偕蠶室巖子著  
同聲之賦玄文詠嬌女之篇辭旨幽閑才  
情明慧寫柔思於却扇選麗句以當窓足  
使蘇蕙扶輪左芬失步矣故里秦淮早駕  
木蘭之檝僑居明聖重來油壁之車風景  
依然湖山非故趙明誠金石之錄卷軸亡  
存蔡中郎薶日之詞紙筆猶在予覽其篇



什擷彼風華體寄七言詩成四律愧非劉  
柳聞白雪之歌謬學徐陵敘玉臺之咏云

爾

落日輕風雁影斜蜀牋書字報秦嘉絳紗弟子稱  
都講碧玉才人本內家神女新詞填杜若如來半  
偈繡蓮花糝成小閣熏香坐不向城南鬪鈿車

其二

晴樓初日照芙蓉姑射仙人賦子虛紫府高閑詩  
博士青山道逸女尚書賣珠補屋花應滿刻燭成  
錦不如自寫雜神題小像一簾秋水鏡湖居

其三

五銖衣怯鳳皇雛珠玉為心冰雪膚綠屨侍見春  
祓禊紅牙小妹夜携蒲瓊牕日暖櫻桃賦粉箋風  
輕蛺蝶圖頻斂翠蛾人不識自將書札問麻姑

其四

石城楊柳碧城鸞謝女詩篇張女彈鸚鵡歌調銀  
管細琅玕字刻玉釵寒雙聲宛轉連珠格八體濃  
織倒薤看閒整筆牀攤素卷棠梨花發倚闌干

收

魏明帝曹叡立  
女尚書六人

收

香艷亦長  
技

收

8



收

海市四首

次張石平  
觀察韻

仙人太乙祀東萊不信蓬瀛此地開虹跨斷崖通  
羽蓋魚吞倒影出樓臺碧城烟合青葱樹赤岸霞  
蒸絳雪堆聞道秦皇近南幸舳艫千里射蛟回

其二

灑氣空濛萬象來非烟非霧化人栽仙家困為休  
糧開河伯宮因娶婦開金馬衣冠蒼水使石鯨風  
雨濯龍臺鑿空博望頻回首天漢乘槎未易才

其三

東南天地望中收神鬼蒼茫百尺樓秦時長松移  
絕島梁園脩竹隱滄洲雲如車蓋旌旗繞峰近香  
爐烟靄浮却笑燕齊迂怪士祇知碣石有丹丘

其四

激浪崩雲壓五湖天風吹斷海城孤千門聽擊馮  
夷鼓六博看投玉女壺蒲類草荒春徙帳滄溟月  
冷夜探珠誰知曼衍魚龍戲翠蓋金支滿具區

別丁飛濤兄弟

把君詩卷過扁舟置酒離亭感舊游三陸雲間空

收

收

收



想像二丁鄴下自風流湖山意氣歸詞苑兄弟文章入選樓為道故人相送遠藕花蕭瑟野塘秋

○贈馮子淵總戎

令公專閫擁旌旄鵬鶚秋風賜錦袍十二銀箏歌芍藥三千練甲醉葡萄若耶溪劍凝寒水秦望樓船壓怒濤自是相門雙戟重野王父子行能高

丁亥之秋王烟客招予西田賞菊踰月蒼雪師亦至今年予既卧病同游者多以事阻追叙舊約為之慨然因賦此詩

直頭布袋

露白霜高九月天匡牀臥疾憶西田黃雞紫蟹堪攜酒紅樹青山好放船秔稻將登農父喜茱萸徧插故人憐舊游多病難重省記別蒼公又二年

○友人齋說餅

舍北溪南樹影斜主人留客醉黃花水澠非用淘槐葉蜜餌寧關煮蕨芽閣老膏環常對酒徵君寒具好烹茶食經二事皆堪註休說公羊賣餅家

贈李峩居御史

督學江南

中條山色絳帷開宛雒春風桃李栽地近石經綠



虎觀家傳漆簡本蘭臺花飛驛路生徒滿潮落江城鐘磬來置酒一帆黃浦月登臨早訪陸機才

穆大苑先卧病桐廬初歸喜贈

富春山下趁歸風客病孤舟夜雨中千里故園惟舊友十年同學半衰翁藥爐<sub>直</sub>媿我形容稿腹尺輪君飲噉工却向清秋共消損一尊無恙笑顏紅

壽陸孟鳧七十

楓葉蘆花霜滿林江湖蕭瑟鬢毛侵書生藤峽功名薄漁父桃源歲月深入市蹇驢晨賣藥閉門殘

酒夜橫琴舊游烽火天涯夢銅鼓山高急暮砧<sub>陸</sub>

潯州司李勝峽在潯州常熟有桃源澗

其二

講授山泉遶戶庭苧翁無事爲中冷偶支鶴俸分魚俸閒點茶經補水經千里程鄉浮大白一官勾漏養空青歸來松菊荒涼甚買得雙峰縛草亭

壽申少司農青門六十

相門三戟勝通侯兄弟衣冠盡貴游白下高名推謝眺黃初耆德重楊彪千山極目風塵暗一老狂



歌天地秋還憶淮肥。開制府江聲吹角古揚州。

其二

脫却朝衫上釣船。餘生投老白雲邊。買山向乞分司俸。餉客還存博士錢。世事烟霞娛晚歲。黨人名字付殘編。扁舟百斛身程酒。散髮江湖任醉眠。

宴孫孝若山樓賦贈

千章喬木俯晴川。高閣登臨雨後天。明月笙歌紅燭院。春山書畫綠楊船。邗超好客真名士。蘇晉翻經正少年。最是風流揮玉麈。烟霞勝處着神仙。

琴河感舊

并序

楓林霜信放棹琴河。忽聞秦淮卞生蹇蹇。到白白下適逢紅葉。余因客座偶話舊游。主人命犢車以迎來。持羽觴而待至。停驂初報傳語更衣已。託病疴遷延不出。知其憔悴自傷。亦將委身於人矣。予本恨人傷心。往事江頭燕子。舊壘都非。山上薜蘿故人安在。久絕鉛華之夢。况當搖落之辰。相遇則唯看楊柳。我亦何堪爲別。已屢見櫻



桃君還未嫁聽琵琶而不響隔團扇以猶  
憐能無杜秋之感江州之泣也漫賦四章  
以誌其事

湖中無花

白門楊柳好藏鴉誰道扁舟蕩槳斜金屋雲深吾  
谷樹玉杯春暖尚湖花見來學避低團扇近處疑  
嗔響鈿車却悔石城吹笛夜青驄容易別盧家

其二

油壁迎來是舊游尊前不出背花愁綠知薄倖逢  
應恨恰便多情喚却羞故向閑人偷玉筋浪傳好

若謂是淚之謎  
亦少一落字

語到銀鈎五陵年少催歸去隔斷紅墻十二樓

其三

休將消息恨層城猶有羅敷未嫁情車過捲簾勞  
悵望夢來攜袖費逢迎青衫憔悴卿憐我紅粉飄  
零我憶卿記得橫塘秋夜好玉釵恩重是前生

其四

長向東風問画蘭玉人微嘆倚闌干乍拋錦瑟描  
難就小疊瓊牋墨未乾弱葉懶舒添午倦嫩芽嬌  
染怯春寒書成粉筴憑誰寄多恐蕭郎不忍看

俳



收

租似一首唐詩了

○辛卯元旦試筆

除夕再  
夢杏花

十年車馬盛長安仙仗傳籌曙色寒  
禁苑名花開萬樹上林奇果賜千官  
春風紫燕低飛入曉日青  
驄緩轡看舊事已非還入夢  
回圖金粉碧闌干

○雜感

聞說朝廷罷上都中原民困尚難蘇  
雪深六月天圍塞雨漲千村地入湖  
瀚海波濤飛戰艦禁城宮闕起浮圖  
關山到處愁征調願賜三軍所過租

其二

簫鼓中流進奉船司空停索導行錢  
八蠶名繭盤花就千緝奇文舞鳳旋  
袴褶射雕砂磧塞筐箱市馬玉門邊  
秋風砧杵催刀尺江左無衣已七年

其三

居庸千尺薊門低八部雲屯散馬蹄  
日表土中通極北河源天上接安西  
金城將吏耕黃犢玉壘山川祭碧雞  
世會適逢須粉飾十年辛苦厭征鼙

其四

急峽天風捲怒濤穿雲棧石度秋毫  
雞豚絕壁人

收

8

收

8

收

8



收

烟少珠玉空江鬼哭高縱火千村驅草木齎糧百  
日棄弓刀綿州却報傳烽緊峒戶溪丁轉戰勞

其五

陳圖事

武安席上見雙鬟血淚青娥陷賊還只為君親來  
故國不因女子下雄關取兵遼海哥舒翰得婦江  
南謝阿蠻快馬健兒無限恨天教紅粉定燕山

其六

此為瞿桂林面守公作公園名東臯堂名畊石

萬里從王擁節旄通侯青史姓名高禁垣遺直看  
封事絕徼孤忠誓佩刀元祐黨碑藏北寺辟疆山

墅記東臯歸來畊石堂前夢書畫平生結聚勞

題王端士北歸草

讀罷新詩萬感興夜深挑盡草堂燈玉河嗚咽聞  
嘶馬金殿淒涼見按鷹南內舊人逢庾信北朝文  
士識崔陵寒驢風雪蘆溝道一慟昭陵恨未能

贈糧儲道步公

乾州人

臨湘家世擁旌旄策馬西來劍珮高華嶽風雲開  
間氣乾陵草木壯神臯山公盡職封章切蕭相憂  
時饋運勞青史通侯餘事在江南重見舊人豪

收

8

收

收

8

8



梅村集卷第十二

七言律詩二

○題鴛湖閨詠

此為黃女士皆令作

石州螺黛點新粧  
小拂烏絲字幾行  
粉本留香泥  
蛺蝶錦囊添線繡  
鴛鴦秋風擣素描  
長卷春日鳴  
箏製短章江夏只  
今標藝苑無雙  
才子掃眉娘

其二

休言金屋貯神仙  
獨掩羅裙淚泫然  
粟里縱無歸  
隱計鹿門猶有賣  
文錢  
女兒浦口堪同住  
新婦磯



頭擬種田夫壻長揚須執戟不知世有杜樊川

其三

絳雲樓閣敞空虛女伴相依共索居學士每傳青  
鳥使蕭娘同步紫鸞車新詞折柳還應就舊事焚  
魚總不如記向馬融譚漢史江南淪落老尚書

其四

誰吟紈扇繼詞壇白下相逢吳綵鸞才比左芬年  
更少壻求韓重遇應難玉顏屢見鶯花度翠袖須  
愁烟雨寒往事只看予薄命致書知己到長干

補禊

壬辰上巳蔣亭彥篆鴻陸我謀於鴛湖禊  
飲余後三日始至同集有道開師朱子容

沈孟陽徵詩以補禊事余分得知字

春風好景定昆池散誕天涯却誤期溱洧漫攀芳  
杜晚雒濱須泛羽觴遲右軍此會仍堪記白傳重  
游共阿誰故事禊堂看賜柳年來無復侍臣知

過朱買臣墓

在嘉興東塔雷音閣後即廣福講院

翁子窮經自不貧會稽連守拜為真是非難免三



長史富貴徒誇一婦人小吏張湯看踞傲故交莊  
助嘆沉淪行年五十功名晚何似空山長負薪

題朱子葵鶴洲草堂

別業堂成綠野邊養雛丹頂已千年仙人收箭雲  
歸浦道士開籠月滿天竹下縞衣三徑石雪中清  
嘖五湖田裴公舊宅松陰在不數孤山夜放船

題孫銘常画蘭

誰將尺幅寫瀟湘窮谷無人吹氣香斜筆點芽依  
鮮石雙鈎分葉傍篔簹謝家樹好臨芳砌鄭女花  
堪照洞房我欲援琴歌九畹江潭搖落起微霜

送林衡者歸閩

五月關山樹影圓送君吹笛柳陰船征途鷓鴣愁  
中雨故國枕椰夢裏天夾漈草荒書滿屋連江人  
去雁飛田無諸臺上休南望海色秋風又一年

送文學博以蒼公招同住中峰寺

二公皆雲南人

西風驅雁暮雲哀頭白衝寒到講臺莫問間關應  
路斷偶傳消息又兵來一峰對月茅菴在二老論  
心石壁開揀取梅花枝上信明年移向故園栽



鄧元昭奉使江右相遇吳門却贈

五湖春草隱征笳  
回舫圖書泊晚沙  
人謂相如初  
奉使客傳高密且  
還家黑貂對雪潯  
陽樹綠酒看  
山茂苑花回首石  
渠應賜馬玉河從  
獵雁行斜

雪夜苑先齋中飲博達旦

扶杖衝泥逐少年  
解衣箕踞酒爐邊  
愁燒絳蠟消  
千卷愛把青樽擲  
萬錢痛飲不甘辭  
久病狂呼却  
笑勝高眠丈夫失  
意須潦倒劇孟平  
生絕可憐

其二

相逢縱博且開顏  
興極歡呼不肯還  
別緒幾年當  
此夜狂名明日滿  
人間松牕燭影花  
前酒草閣雞  
聲雪裏山殘  
臆豈妨吾作樂  
儘教遊戲一生閑

癸巳春日禊飲社集虎丘卽事

楊柳絲絲逼禁烟  
筆牀書卷五湖船  
青溪勝集仍  
遺老白袷高談盡  
少年筍屐鶯花看  
士女羽觴冠  
蓋會神仙茂先往  
事風流在重過蘭  
亭意惘然

其二

蘭臺家世本貽謀  
高會南皮話昔游  
執友淪亡驚



歲月諸郎才調擅風流十年故國傷青史四海新  
知笑白頭脩禊只今添俯仰北風杯酒酌營丘

其三

訪友扁舟挂席輕梨花吹雨五茸城文章興廢關  
時代兄弟飄零爲甲兵茂苑聽鶯春社飲華亭聞  
鶴故園情衆中誰識陳驚座顧陸相看是老成

其四

絳帷當日重長楊都講還開舊草堂少弟詩篇標  
赤幟故人才筆繼青箱抽毫共集梁園製布席爭  
飛曲水觴近得廬陵書信否寄懷子美在滄浪

入宋事

投贈督府馬公

伏波家世本專征画角油幢細柳營上相始興開  
北府通侯高密鎮西京江山傳箭旌旗色賓客圍  
棋劒履聲勞苦潯陽新駐節舳艫今喜下湓城

其二

十年重到石城頭細雨孤帆載客愁累檄久應趨  
幕府扁舟今始識君侯青山舊業安常稅白髮衰  
親畏遠游慚媿推賢蕭相國邵平只合守瓜丘



白嘆

誤盡平生是一官棄家容易變名難松筠敢厭風  
霜苦魚鳥猶思天地寬鼓枻有心逃甫里推車何  
事出長干旁人休笑陶弘景神武當年早掛冠

登上方橋有感

橋時新修極雄壯望見天壇崩圯盡矣

石梁天際偃長壕勢壓魚龍敢遁逃壯麗氣開浮  
廣術虛無根削挿崩濤秋騰萬馬鞭梢整日出千  
軍輓餉勞回首泰壇鐘磬遠江流空繞斷垣高

鍾山

王氣消沉石子岡放鷹調馬蔣陵旁金棺移塔思

原廟

金棺為誌公在雞鳴寺

玉匣藏衣記奉常

太常有高廟衣冠楊

柳重栽馳道改櫻桃莫薦寢園荒

時當四月

聖公沒後

無坏土姑孰江聲空夕陽

臺城

形勝當年百戰收子孫容易失神州金川事去家  
還在玉樹歌殘恨未休徐鄧功勳誰甲第方黃骸  
骨總荒丘可憐亦襲舊一片秦淮月曾炤降幡出石頭

國學



松柏曾垂講院陰後湖烟雨記登臨桓榮空有窮  
經志伏挺徒增感遇心四庫圖書勞訪問六堂絃  
管聽銷沉白頭博士重來到極目蕭條淚滿襟

觀象臺

候日觀雲倚碧空一朝零落黍離同昔聞石鼓移

天上元移石鼓于大都今見銅壺沒地中黃道只看標北

極赤烏還復紀東風郭公枉自師周髀千尺荒臺

等廢宮渾儀郭守敬所造

雞鳴寺

雞鳴寺接講臺基扶杖重游涕淚垂學舍有人鋤

野菜僧寮無主長棠梨雷何舊席今安在支許同

叅更阿誰惟有誌公留布帽高皇遺筆讀殘碑

寺壁有石刻高廟御筆題贊誌公像

功臣廟

画壁精靈間氣豪鄂公羽箭衛公刀丹青賜額豐

碑壯祭戟傳家甲第高鹿走三山爭楚漢雞鳴十

廟失蕭曹英雄轉戰當年事采石悲風起怒濤

玄武湖

收

收

收

收

8



覆舟西望接陂陀千頃澄潭長綠莎六代樓船供

士女百年版籍重山河湖置黃冊庫 禁人游玩平川豈習昆

明戰禁地須通太液波烟水不關興廢感夕陽聞

已唱漁歌時已有漁舟非 復昔日之禁矣

秣陵口號

車馬垂楊十字街河橋燈火舊秦淮放衙非復通

侯第中山賜宅 改作公署廢圃誰知博士齋易餅市傷玉殿

瓦換魚江上孝陵柴無端射取原頭鹿收得長

長生苑內牌

無題

繫艇垂楊映綠潯玉人湘管回簾深千絲碧藕玲

瓏腕一卷芭蕉展轉心題罷紅牕歌緩緩聽來青

鳥信沉沉天邊恰有黃姑恨吹入蕭郎此夜吟

其二

到處鶯花画舫輕相逢只作看山行鏡因硯近螺

頻換書為香多蠹不成媿我白頭無冶習讓君紅

粉有詩名飛瓊漫道人間識一夜天風返碧城

其三



錯認微之共牧之誤他舉舉與師師疎狂詩酒隨  
同伴細膩風光異舊時画裏綠楊堪贈別曲中紅  
豆是相思年華老大心情減辜負蕭娘數首詩

其四

鈿雀金蟬籠臂紗鬧粧初不鬪鉛華藏鉤酒向劉  
郎賭刻燭詩從謝女誇天上異香須有種春來飛  
絮恨無家東風燕子知多少珍重雕闌白玉花

百草堂觀劇

肯將游俠誤躬畊愛客村居不入城亭占綠疇朝

置酒船移紅燭夜鳴箏金蠶斫鱸霜螯美玉粒呼

鷹雪爪輕主人好獵却話少年逢社飲季心然諾是平

生

送李秀州擢寧紹道

楊柳春風起郡樓故人嚴助昔同游烟霞到處推  
仙吏棨戟今看冠列侯長水圖書移遠棹大雷笳  
鼓對清秋閱兵海上應西望秦駐山高卽秀州

周櫟園有墨癖嘗蓄墨萬種歲除以酒澆之  
作祭墨詩友人王紫崖話其事漫賦二律



學石田錢咏諸  
詩但墨儘高品  
用任歌斜等字  
句本雅

含香詞賦擲金聲家住立都對管城萬笏雅應推  
正直一囊聊復貯縱橫藏雖黯澹終能守用任欵  
斜自不平磨耗年光心力短只因耽誤褚先生

其二 收

山齋清玩富琳琅似璧如圭萬墨莊口啜飲同高  
士癖頭濡書類酒人狂但逢知己隨濃澹若論交  
情耐久長不用黃金費裝裹伴他銅雀近周郎

贈陽羨陳定生

溪山畫好歸畊櫻笋琴書足性情茶有一經真

處士橘無千絹舊清卿

故御史大夫子

知交東冶傳鉤黨

子弟南皮負盛名却話宋中登望遠天涯風雨得

侯生

定生借侯朝宗在南中幾及鉤黨禍侯生歸德人

江樓別幼弟孚令

野色滄江思不窮登臨傑閣倚虛空雲山兩岸傷  
心裏雨雪孤城淚眼中病後生涯同落木亂來身  
計逐飄蓬天涯兄弟分攜苦明日扁舟聽曉風

揚州

疊鼓鳴笳發棹謳榜人高唱廣陵秋官河楊柳誰

收

收



新種御苑鶯花豈舊游。十載西風空白骨。廿橋明月自朱樓。南朝枉作迎鑾鎮。難博雷塘土一丘。

其二

野哭江村百感生。鬪雞臺憶漢家營。將軍甲第縻弓臥。丞相中原拜表行。白面談邊多入幕。赤眉求印却翻城。當時只有黃公覆。西上徧隨阮步兵。

其三

盡領通侯位。上卿三分淮。蔡各專征。東來處仲無他志。北去深源有盛名。江左衣冠先解體。京西豪傑竟投兵。只今八月觀濤處。浪打新塘戰鼓聲。

其四

撥盡琵琶馬上絃。玉鉤斜畔泣嬋娟。紫駝人去瓊花院。青塚魂歸錦纜船。荳蔻梢頭春十二。茱萸灣口路三千。隋堤璧月珠簾夢。小杜曾游記昔年。

過維揚弔衛少司馬紫岫

衛韓城人與余同年同官後以少司

馬死揚州難

画省連床止論文。天涯書劍忽離羣。非關衛瓘需開府。欲下高昂在護軍。高杰秦人朝議以紫岫同鄉拜兵部侍郎典其軍事



葬骨九原江上月思家百口隴頭雲故人搖落邗  
溝暮爲酌椒漿一慟君

過淮陰有感

落木淮南雁影高孤城殘日亂蓬蒿天邊故舊愁  
聞笛市上兒童笑帶刀世事真成反招隱吾徒何  
處續離騷昔人一飯猶思報廿載恩深感二毛

其二

登高悵望八公山琪樹丹崖未可攀莫想陰符遇  
黃石好將鴻寶駐朱顏浮生所欠止一死塵世無  
繇識九還我本淮王舊雞犬不隨仙去落人間

贈淮撫沈公清遠

秋風杖節賜金貂高會嚴更響麗譙去國下年遼  
海月還家甲第浙江潮書生禮樂修玄雁諸將弓  
刀掣皂鷗最是東南資轉餉功成蕭相未央朝

淮上贈嵇叔子

湖海相逢一俊英風流中散舊家聲琴因調古須  
防怨詩爲才多莫近名濁酒如淮歌慷慨蒼髯似  
戟論縱橫慚余亦與山公札抱病推遷累養生



過宿遷極樂菴明日晤陸紫霞年兄話舊有

感

同時知已曲江游縱酒高歌玉腕騮黃葉渾隨諸  
子散白頭猶幸故人留雲堂下榻逢僧飯雪夜聽  
鐘待客舟如此衝寒緣底事相逢無計訴離愁

白鹿湖陸墩詩

在宿遷縣東為紫霞年兄避兵處

招提東望柳堤深雁浦魚莊買棹尋墩似謝公堪  
賭墅湖如賀監早抽簪雲遮老屋容君卧月落空  
潭照此心百頃荷花千尺水夜涼兄弟好披襟

自信

自信平生懶是真底須辛苦踏春塵每逢墟落愁  
戎馬却聽風濤話鬼神濁酒一杯今夜醉好花明  
日故園春長安冠蓋知多少頭白江湖放散人

新河夜泊

百尺荒岡十里津夜寒微雨溼荆榛非關城郭炊  
烟少自是河山戰鼓頻倦客似歸因望樹遠天如  
夢不逢人扁舟蕭瑟知無計獨倚篷牕暗愴神

將至京師寄當事諸老

收

收

收



柴門秋色草蕭蕭幕府驚傳折簡招敢向烟霞堅  
笑傲却貪畊鑿久逍遙楊彪病後稱遺老周黨歸  
來話 聖朝自是 璽書脩盛舉此身只合伴漁  
樵

其二

莫嗟野老倦沉淪領略青山未是貧一自弓旌來  
退谷苦將行李累衰親田因買馬頻書券屋為牽  
船少結鄰今日巢由車下拜淒涼詩卷乞閒身

其三

匹馬天街對落暉蕭條白髮悵誰依北門待詔賓  
朋盛東觀趨 朝故舊稀雪滿關河書未到月斜  
宮闕雁還飛赤松本是留侯志早放商山四老歸

莫謗先師好

其四

平生蹤跡儘繇天世事浮名總棄捐不召豈能逃  
聖代無官敢即傲高眠匹夫志在何難奪 君相  
恩深自見憐記送鐵崖詩句好白衣宣至白衣還  
讀友人舊題走馬詩于郵壁漫次其韻

數卷殘編兩石弓書生搖筆壯懷空南朝子弟誇

收

收

收



諸將北固軍營畏阿童江上化龍圖割據國中指  
鹿詫成功可憐曹霸丹青手銜策無人付朔風

其二

此為楊龍友作龍友畫絕佳

君是黃驄最少年驂騮凋喪使人憐當時只望勳  
名貴後日誰知書畫傳十載鹽車悲道路一朝天  
馬蹴風烟軍書已報韓擒虎夜半新林早着鞭

過鄭州

是扁鵲故里

馬滑霜蹄路又長鴉鳴殘雪古城荒河水雨入車  
難過野岸沙崩樹半僵刑邵文章埋斷磣公孫樓  
榭斜陽只留村酒雞豚社香火年年賽藥王



初村集卷第十三

七言律詩三

恭紀

聖駕幸南海子遇雪大獵

君王羽獵近長安龍雀刀鏤七寶鞍立馬山川千

騎擁賜錢父老萬人看賑霜林白鹿開金彈春酒

黃羊進玉盤不向回中逢大雪無因知道外邊寒

聞撤織造志喜

春日柔桑士女歌東南杼軸待如何千金織綺花

收

落句雖工亦是絕句法



收

成市萬歲迴文月滿梭恩詔只今憐赤子貢船從此罷黃河尚方玉帛年來盛早見西川濯錦多

上駐驛南苑閱武行蒐禮召廷臣恭視賜宴行宮

賦五七言律詩五七言絕句每體一首應

制

露臺吹角九天聞射獵黃山散馬群練甲曉懸千鏡日翠旗晴轉一鞭雲奇鷹出架雕弓動新兔登盤玉饌分最是小臣慚獻賦屬車叨奉羽林軍

送無錫堵伊令之官歷城

攬轡朱輪起壯圖遺民喜得管夷吾城荒戶少三

男子名重人看五大夫画就烟雲連泰岱詩成書

札滿江湖茶經水傳平生事第二泉如酌突無

元夕

諸王花萼奉宸游清路千門照夜騮長信玉杯簪戴勝昭陽銀燭擘篴篥傳柑曲裏啼鶯到爆竹光中戰馬收却憶征南人望月金閨燈火別離愁

讀魏石生懷古詩

長安雪後客心孤画省論文折簡呼家近叢臺推

收

湊



意氣山開全趙見。平蕪憂時危。論書千卷懷古高。  
歌酒百壺自是漢廷真。諫議蕭王陌上賦東都。

送永城吳令之任

春風驛樹早聞鶯。馬過梁園候吏迎。山縣尹來三月雨。  
人家兵後十年。畊鴉啼粉堞。河依岸草沒旗亭。路入城曾見官軍收賊壘。時清今已重儒生。

送安慶朱司李之任

朱建寅字夏朔死于丁酉閏事

到官春水画橈輕。天柱峰高即郡城。百里殘黎半商賈。  
十年同榜盡公卿。雞豚塢壁山中稅。鼓角帆檣江上兵。  
亂後莫言無吏治。此方朱邑最知名。

送彥遠南還河渚

胡分

匹馬春風返故林。松杉書屋晝陰陰。猿愁客倦晨投果。  
鶴喜人歸夜聽琴。我有田廬難共隱。君今朋友獨何心。  
還家早便更名姓。只恐青山尚未深。

江上

已亥海警

鐵馬新林戰鼓休。十年軍府笑諮謀。但虞莊躋爭南郡。  
不信孫恩到蔡州。江過濡須誰築壘。潮通滬瀆在今上海總安流。  
蘆花一夜西風起。兩點金焦萬里瀆。



收

8

愁

送顧蒨來典試東粵

蒨費

客路梅花嶺外飄江山才調屬車招石成文字兵  
須定珠出風雷瘴自消使者干旌開五管諸生禮  
樂化三苗憑君寄語征南將誰勒炎天銅柱標

送李書雲蔡閔培典試西川

宗孔

瓊枝

柳陌征衫錦帶鉤 詔書西去馬卿游棧縈秦嶺  
千盤細水落巴江萬里流兵火才人羈旅合山川  
奇字亂離搜莫愁沃野猶難問取得楊雄勝益州

送山東耿中丞青藜

三經持節領諸侯好時家風指顧收岱頂磨崖看  
幽谷海邊吹角對清秋暮中壯士爭超距稷下高  
賢共唱酬北道主人東郡守丹青剖策本營丘

送友人之淮安管餉

高牙鼓角雁飛天估舶千帆落照懸使者自徵滄  
海粟將軍輒費水衡錢中原河患魚鼈窟江左官  
租稷稻年聞道故鄉烽火急淮南幾日下樓船

送隴右道吳贊皇之任

收



笳鼓千人度隴頭使君斜控紫驂騮城高赤坂魚  
鹽塞日落黃河身鼠秋移檄北庭收屬國閱兵西  
海取封侯請傾百斛葡萄酒玉笛關山緩帶游

恭遇

聖節次安丘劉相國韻

與慶樓前捧玉觴金張岐薛儼分行龍生大漠雲  
方起河出崑崙日正長節過放燈開禁苑春將射  
柳幸平陽燕公上壽天顏喜親定甘泉賜宴章

朝日壇次韻

燒牛耶

曉日曛曛萬象鋪六龍銜燭下平蕪石壇燿火燭  
玄牡露掌華漿飲渴身不夜城傳宣夜漏玉宮朝  
奉竹宮符卽今東汜西岷處盡入銅壺倒景殊  
李退菴侍御奉使湖南從兵間探衡山洞壑  
諸勝歸省還吳詩以送之

一官之楚復游燕歸去還乘笠澤船戎馬千山尋  
洞壑鶯花三月羨神仙路穿江底聞雞犬家在湖  
中接水天侍御吾吳洞庭人不似少陵長作客祝融峰下  
住年年



收

得蒲州道嚴方公信却寄

西風對酒夢魂勞。聞道蒲津着錦袍。山遶塞垣長  
坂峻。河分天地斷崖。登樓楚客看雲樹。隔岸秦  
人拜節旄。回首舊游飛雁遠。書來嚴助問枚臯。

送趙友沂下第南歸

秋風匹馬試登臨。此日能無感慨心。趙氏只應完  
白壁。燕臺今已重黃金。鄉關兵火傷王粲。京國才  
名識杜欽。最是淮南遇搖落。相思千里暮雲深。

懷王奉常烟客

把君詩卷問南鴻。憔悴看成六十翁。老去祇應添  
鬢雪。愁來那得愈頭風。田園蕪沒支筇懶。書回蕭  
條隱几空。猶喜梅花開遠屋。臘醅初熟草堂中。

送友人從軍閩中

客中書劍愴離羣。貫酒新豐一送君。絕嶠烽烟看  
草檄。高齋風雨記論文。中宵清角猿啼月。百道飛  
泉馬入雲。詔諭諸侯同伐越。可知勞苦有終軍。

其二

平生不識李輕車。被詔揮鞭白鼻騮。簫鼓濟江

收

圖

收



催落木。旌旗衝雪冷。梅花胡床對客招。虞寄羽扇  
麾軍逐呂嘉。自是風流新制府。王孫何事苦思家。

紀事

鄆杜山南起直廬。從禽載筆有相如。秋風講武臨  
熊館。乙夜橫經勝石渠。七萃車徒堪討習。百家圖  
史可佃漁。上林獸簿何曾問。叩馬無煩諫獵書。

送汪均萬南歸

扁舟春草五湖寬。歸去醱醪架未殘。撥刺錦鱗初  
上筴。團枝珠寶已堆盤。瘿瓢量水僧燒筍。拳石分  
泥客買蘭。四月山塘風景好。知君端不憶長安。

壽座師李太虛先生

放懷天地總浮鷗。客裏風光爛熳收。一斗濁醪還  
太白。二分明月屬揚州。錦箏士女觴飛夜。鐵笛關  
山劍舞秋。猶有壯心消未得。欲從何處訪丹丘。

其二

好客從無二頃田。勝游隨地記平泉。解衣白日消  
碁局。岸幘青山入釣船。故國風塵驚晚歲。天涯歌  
舞惜流年。篋中別有龍沙記。不許傍人喚謫仙。



其三

讀易看山愛息機  
閉門芳草雁還飛  
江湖有夢爭南幸  
滄海無家記北歸  
烟水一竿思舊隱  
兵戈十口出重圍  
杜陵豈少安危志  
老大飄零感布衣

其四

廬頂談經破碧苔  
十年不到首重回  
風清鐘鼓吳山出  
雲黑帆檣楚雨來  
痛飲長江看自注  
異書絕壁訪應開  
芒鞋歸去身差健  
白鹿諸生掃講臺

寄房師周芮公先生 并序

偉業以庚午受知於晉江周芮公師進謁  
潤州官舍維時上流無恙京口晏然吾師  
以陸生入雒之年弟子亦終軍棄繻之歲  
南徐月夜北固江聲揮麈論文登樓置酒  
笑譚甚適賓從皆賢已而入主銓衡地當  
清切周旋禁近提挈聲華拜別河梁十有  
八載滄桑兵火萬事都非偉業負耒躬畊  
誓終沒齒不謂推遷塵事潦倒浮生病苦  
窮愁羈縻煎迫師以同徵獨得不至方推



周黨共羨管寧而家居窮海身受重圍羽  
檄時聞音塵莫及雖然江南近信已泊樓  
船京峴舊游皆非樂土何必無諸臺上始  
接烽烟歐冶城邊纔開壁壘也既知援師  
南下山郡依然鄭樵居第可保圖書楊僕  
軍營惟聞笳吹欣故人之杖屨致遠道之  
郵筒爰作短章聊存微尚抒平生於慷慨  
寫盡日之羈愁庶幾同經喪亂識此襟情  
雖隔山川無殊會面云爾

○ 惆悵平生負所知尺書難到雁來遲  
○ 檉榔月暗巖城閉鷓鴣風高画角悲  
○ 湖裏逢仙占昔夢洞中遇叟看殘碁  
○ 脫身衰白干戈際笳屐尋山話後期

其二

北府風流坐嘯清蕭郎白恰愛將迎蒜山望斷江  
干月荔浦愁看海上城劉寄關河雖險塞盧循樓  
艦正縱橫莫嫌戰鼓鄉園急瓜步年來已用兵

晉江

黃東崖先生和予此詩中一聯曰徵書鄭重眠食損法曲淒涼涕淚橫知己之言讀之感歎

其三



但若盤桓便見收 詔書趨迫敢淹留始知處士

青門里須傍仙人白石樓晉室衣冠依嶺嶠越王

刀劍閉林丘少微却炤南天遠榕樹峰高隱故侯

其四

白鶴青猿叫晚風苦將身世訴飄蓬千灘水惡盤

渦險九曲雲迷絕磴空廣武登臨狂阮籍承明寂

寞老揚雄巨源舊日稱知己誤玷名賢啓事中

卽事

夾成明月斲臺風玉樹青葱起桂宮時乾清宮成謁者

北衙新掌節初設內監郎官西府舊乘驄新選部郎為巡方叔

孫禮在終應復蕭相功成固不同百戰可憐諸將

帥幾人高會未央中

其二

六龍初幸晾鸞臺千騎從官帳殿開南苑車聲穿

碧柳西山馳道夾青槐繙書夜半移燈召教射樓

頭走馬來聞道上林親試士卽今誰是長卿才

其三

元僚白髮領槐廳風度須看似九齡疏乞江湖陳



老病 詔傳容貌寫丹青 曹村相公乞休不允画其像賜之 從游

西苑花初放侍宴南臺酒半醒最是御書房下過

賜茶清燕共談經

其四

列卿嚴譴赴三韓貫酒悲歌行路難妻子幾隨關

外去都人爭擁路旁看樂浪有吏崔亭伯遼海無

家管幼安盡說日南多瘴癘如君絕域是流官

其五

黃河東注出潼關本濟漕渠竟北還淮水獨流空

到海 淮水為黃河所逼始于清口濟漕河去則淮竟入海此清江關所以涸也 汴堤橫

齒不逢山天心豈為投主壁民力何堪棄草菅瓠

子未成淇竹盡龍門遠掛白雲間 金龍口決用柳梢作土牛塞河

功竟不就悼兩河民力之盡也

其六

西山盜賊尚縱橫白晝畿南桴鼓鳴誰道盡提龍

武將翻教遠過闔閭城軍需苦給嫖姚騎節制難

逢僕射營斥堠但嚴三輔靖願消兵甲罷長征

其七



收

新傳使者出皇都十道飛車算國租故事已除將  
作監他年須尚執金吾主持朝論垂魚袋料理軍  
書下虎符始信蕭曹務休息太平良策未全無

其八

柳營江上羽書傳白馬三郎被酒眠無意漫提歐  
冶劍有心長放呂嘉船金錢北去緣求印鐵券南  
來再控弦廟算只今勤遠略伏波橫海已經年

其九

秋盡黃陵對落暉長沙西去不能歸甘寧舊壘潮

收

初落陶侃新營樹幾圍五嶺烽烟城郭改三湘征  
調吏人稀老臣裹革平生志往事傷心尚鐵衣

其十

巴山千丈擘雲根節使征西入劍門蜀相軍營猶

石壁漢高駐兵南鄭分關閬州全家

故國空從難異姓真王獨拜恩回首十年成敗事

笛聲哀怨起黃昏

長安雜詠

玉泉秋散鼎湖龍 世廟玄都闕御容絳節久銷



金竈火青詞長護石壇松運移梅福身難去道向  
麻姑使未逢重過竹宮聞夜祭徐無仙客話乾封  
其二  
石門秋聳妙高臺慈聖金輪寺榜開龍苑樹荒香  
界壞鹿園花盡塔鈴哀燈傳初地中峰變經過流  
沙萬里來代有異人為教出鳩摩天付不凡材

其三

鼓角鳴鞘下建章平明獵火照咸陽黃山走馬開  
新塲青海求鷹出大荒奉轡射生新宿衛帶刀行  
炙舊名王侍臣獻賦思遺事指點先朝說豹房

其四

百戰關山馬槩高耻將階級鬪蕭曹兩河子弟能  
談劍一矢君王已賜袍此日大家親較武他時  
年少定分茅功成老將無人識看取征南帶血刀

哭蒼雪法師

憶昔穿雲到上方飛泉夾路筍輿忙孤峰半榻霜  
顛白清磬一聲山葉黃得道好窮詩正變觀心難  
遣世興亡汰公塔在今同傳無着天親共影堂  
汰如

收

收



住華山與師爲法侶最  
相得滅度已十六載矣

其二

說法中峰語句真滄桑閱盡剗閒身宗風實處都  
成教慧業通來不礙塵白社老應空世相青山我  
自哭詩人縱教落得江南夢萬樹梅花孰比鄰

送友人出塞

此為李大年作

上書有意不忘君竄逐還將諫草焚  
聖主起居當日慎小臣忠愛本風聞  
玉關信斷機中錦金谷園空函裏雲  
塞馬一聲親舊哭馬支少婦欲從軍

卽事

擊鼓迎神太乙壇越巫吐火舞珊珊  
露臺月上調絲管禁苑霜凋挾彈丸  
赤驥似龍徠萬里白鷹如雪致三韓  
柏梁焚後宜春起只有西山作舊看

送同官出牧

露掌明河玉漏寒侍中出宰據征鞍  
君王此日親除吏臣子何心道換官  
壯士驪山秋送戍豪家渭曲夜探丸  
扶風馮翊皆難治努力諸公奏最看

寄周子俶中州



收

聞道周郎數酒悲中原極目更依誰雲遮二室關  
山在河奪三門風雨移銅狄紀年何代恨石經傳  
字幾人知狂歌落日登臨罷殘醉歸來信馬遲

懷古兼弔侯朝宗

侯有貽吳書

河洛風烟萬里昏百年心事向夷門氣傾市俠收  
奇用策動宮娥報舊恩多見攝衣稱上客幾人刎  
頸送王孫死生總負侯羸諾欲滴椒漿淚滿樽朝宗  
歸德人貽書約終隱不出余為世所逼有負夙諾故及之

送曹秋岳以少司農遷廣東左轄

江東才子漢平陽身歷三臺拜侍郎五管清秋懸  
使節百蠻風靜據胡床珠官作貢通滄海象郡休  
兵奉朔方早晚鄼侯能薦達鋒車好促舍人裝

其二

秋風匹馬尉佗城銅鼓西來正苦兵萬里虞翻空  
遠宦十年楊僕自專征山連鳥道天應盡日落蠻  
江浪未平此去好看宣室召漢皇前席問蒼生

其三

銅柱天南起暮笳蒼山不斷火雲遮羅浮客到花

收

收



為夢庾嶺書來雁是家。五月蠻村供白越。千年仙  
竇訪丹砂。炎州百口堪同住。莫遣閒愁感鬢華。

其四

懸瀑丹崖萬仞流。越王臺上月輪秋。江湖家在堪  
回首。京國人多獨倚樓。海外文章龍變化。日南風  
俗鳥輻輳。知君此地登臨罷。追憶平生話少游。

送楊猶龍學士按察山西

碧山學士起嚴裝。新把牙旌下太行。玉塵開尊從  
將。金銀毫判牒。喜文章三關日落凝。笳吹千騎風

流出射堂憶。賜錦袍。天上暖西游。早拂雁門霜。

其二

一天涼影散鳴珂。落木平沙雁度河。北地詩名三  
輔少。西風客思五原多。紫貂被酒雲中火。鐵笛迎  
秋塞上歌。回首禁城從獵處。千山殘雪滿淖沱。

送王藉茅學士按察浙江

始興門第故人稀。才子傳家典北扉。画省日移花  
更發。御溝春過柳成圍。江湖宦蹟飄蓬轉。嵩少鄉  
心旅雁飛。重到冶城開戟地。豈堪還問舊烏衣。



其二

訟堂閒嘯聽流鶯十載東南憶避兵江左湖山冬  
故吏王家書画豈虛名從容簿領詩還就料理烟  
霞政自成欲過會稽尋禊事斷碑春草曲池平

送當湖馬覲揚備兵岢嵐

絕塞驅車出定羗洗兵空磧散牛羊黃河盡處無  
征戰紫燕飛時敢望鄉獨客登臨傷廢壘前人心  
力困危疆君恩不遣邊臣苦高卧荒城對夕陽

送王孝源備兵山西

秋盡黃河氣欲收千山雪色照并州鷓盤落木蒼  
崖壯馬蹴層冰斷澗流父老壺關迎節使將軍廣  
武耻封侯雍容賓佐資譚笑吹笛城南月夜樓

送同年江右朱遂初憲副固原

銜杯落日指雕鞍渭北燕南兩地看士馬河湟征  
戰罷弟兄關塞別離難荒祠黑水龍湫暗絕坂丹  
崖身道盤錯認故京還咫尺幾人遷客近長安

其二

清秋柳陌響朱輪帳下班聲到近臣萬里河源通



大夏七盤山勢控新秦北庭將在黃驄老西海僧  
來白象馴最喜安邊真節使君恩深處少風塵

○其三

白草原頭驛路微十年踪跡是耶非月明函谷朝  
雞遠木落蕭關塞馬肥便道江城鄉思急故人京  
洛諫書稀一官漂泊知何恨老大匡山未拂衣

其四

長將詩酒付奚囊此去征途被急裝首宿金鞍調  
白馬梅花鐵笛奏青羌涼州水草軍營盛漢代亭  
臺獵火荒往事功名歸衛霍書生垂老玉門霜

叔

酒可入奚囊  
否



梅村集卷第十四

七言律詩四

七夕感事

天上人間總玉京今年牛女倍分明  
畫圖紅粉深宮恨砧杵金閨瘴海情  
南國綠珠辭故主北邙黃骨送傾城  
憑君試問雕陵鵲一種銀河風浪生

和楊鐵崖天寶遺事詩

漢主秋宵宴上林延年供奉漏沉沉  
給來妙服裁文錦賞就新聲賜餅金  
鳩鵲風微清笛迥蒲萄月

收

收



收

落画弦深明朝曼倩思言事日午君王駕未臨

其二

複道笙歌幾處通博山香裊綺疏中檀槽豈出龜  
茲伎玉笛非關于闐工浩唱扇低槐市月緩聲衫  
動石頭風霓裳本是人間曲天上吹來便不同

送少司空傅夢禎還嵩山

高卧千峰鎖暮霞洛城春盡自飛花銅仙露冷宮  
門草玉女臺荒洞口沙被褐盧鴻仍拜 詔賜金  
疏受早還家西巡擬上登封頌抱犢山莊候翠華

夜宿蒙陰

客行杖策魯城邊訪俗春風百里天蒙嶺出泉茶  
辨性龜田加火穀占年野蠶養就都成繭村酒沽  
來不費錢我亦山東狂李白倦游好覓主家眠

郊城曉發

匹馬孤城望眼愁雞聲喔喔曉烟收魯山將斷雲  
不斷沂水欲流沙未流野戍淒涼經喪亂殘民零  
落困誅求他鄉已過故鄉遠屈指歸期二月頭

聞台州警

收

王家陰洞云  
非主人之主

此蒙陰非出本之蒙山



高灘響急峭帆收。橘柚人烟對鬱洲。天際燕飛黃石嶺。雲中犬吠赤城樓。投戈將士逍遙卧。橫笛漁翁縹緲愁。聞說天台踰萬丈。可容長嘯碧峰頭。

其二

野哭山深叫杜鵑。閨風臺畔羽書傳。軍捫絕磴松根火。士接飛流馬上泉。雁積稻梁池萬頃。猿知擊刺劍千年。桃花好種今誰種。從此人間少洞天。

其三

天門中斷接危梁。玉館金庭跡渺茫。石鼓響來開峭壁。干將飛去出滄浪。仙家壘是何年築。刺史丹無不死方。亂後有人還采藥。越王餘算禹餘糧。

其四

三江木落海天西。華頂風高聽鼓鼙。瀑布洗兵青嶂險。石橋通馬白雲齊。途窮鄭老身何竄。春去劉郎路總迷。最是孤城蕭瑟甚。斷虹殘雨子規啼。

贈遼左故人

詔書切責罷三公。千里驅車向大東。曾募流移畊塞下。豈遷豪傑實關中。桑麻亭障行人斷。松杏山



收

河戰骨空。此去纍臣聞鬼哭。可無杯酒酹西風。

其二

短轅一哭暮雲低。雪窖冰天路慘悽。青史幾年朝  
玉馬。白頭何日放金雞。燕支塞遠春難到。木葉山  
高鳥亂啼。百口總行君莫歎。免教少婦憶遼西。

其三

潦倒南冠顧影慚。殘生得失懣瞿曇。君恩未許誇  
前席。世路誰能脫左驂。雁去雁來空塞北。花開花  
落自江南。可憐庾信多才思。關隴鄉心已不堪。

其四

浮生蹤跡總茫然。兩拜中書再徙邊。儘有溫湯堪  
療疾。恰逢靈藥可延年。垂來文鼠裝綿暖。射得寒  
魚入饌鮮。只少江南好春色。孤山梅樹菴溪船。

其五

路出西河望八城。保宮老母淚縱橫。重圍屢困孤  
身在。垂死翻悲絕塞行。盡室可憐逢將吏。生兒真  
悔作公卿。蕭蕭夜半玄菟月。鶴唳歸來夢不成。

其六



海寧子梅村婿

也 婿為半子諺則

有之未詳何出

德宗以咸安至家

乞可汗可汗上書首言

兄弟六婿半子也陸

者東夷子請以其陸

劉禹錫文乃命長

為君半子

齊女門前萬里臺傷心砧杵北風哀一官悞汝高

門累半子憐渠快婿才失母况經關塞別從夫只

好夢魂來摩準老眼千行淚望斷寒雲凍不開

春日小園卽席次白林九明府韻

小築疎籬占綠灣釣竿斜出草堂間柳因見日頻

舒眼花為迎風早破顏地是廉泉連讓水人如退

谷遇香山新詩片石留題在採蕨烹葵數往還

題画

芍藥

不到春深爛熳紅香來士女踏歌中風知相謔吹

芳蒂露恨將離浥粉叢漬酒穩教顏色異調羹誤

許姓名同內家彩筆新成頌肯讓玄暉句自工

石榴

碧雲剪剪月鈎鈎狼藉珊瑚露未收絳樹憑闌看

獨笑綠衣傳火照梳頭深房莫倚含苞固多子還

憐齟齬羞種得菖蒲堪漬酒劉郎花底拜紅侯

洛陽花

綠窓昨夜長輕莎玉作欄杆錦覆窠丹纈好描秦



氏粉墨痕重點石家螺剪同翠羽來金谷織並紅  
羅出絳河千種洛陽名卉在不知須讓此花多

茉莉

剪雪裁冰莫浪猜玉人纖手摘將來新泉浸後香  
恒滿細縷穿成藥半開愛玩晚涼宜小立護持隔  
歲為親栽一枝點染東風裏好與新粧報鏡臺

芙蓉

細雨橫塘白鷺拳竊紅婀娜向風前千絲衣薄荷  
同製三醉顏酡柳共眠水殿曉涼粧徒倚玉河春  
淺共遷延涉江好把芳名認錯讀陳王賦一篇

菊花

夜深銀燭最分明翠葉金鈿認小名故着黃絕貪  
入道却翹紫袖擅傾城生來艷質何消瘦移近高  
人恰老成幾度看花花耐久可知花亦是多情

繭虎

南山五日鏡奩開絲索春葱縛鞅材奇物巧從蠶  
館製內家親見豹房來越巫辟惡鏤金勝漢將擒  
生画玉臺最是繭絲添虎翼難將續命訴牛哀



茄牛

擊鼓喧闐笑未休不知何出泥車瓦狗出同游生成豈比東鄰犢食殼棘何來孺子牛老圃盤飧特殺誇特殺太牢滋味入常羞看他諸葛貪游戲苦鬪兒曹巧運籌

鯨鶴

丁令歸來寄素書羽毛零落待何如雲霄豈有舖糟計飲啄寧關逐臭餘雪比撒鹽堆勁翮蟻旋封垤附專車秦皇跨鶴思仙去死骨何因葬鮑魚

蟬猴

仙蛻誰傳不死方最高枝處憶同行移將吸露迎風意做就輕軀細骨糝薄鬣影如逢越女斷腸聲豈怨齊王內家近作通侯相賜出貂蟬傲粉郎

蘆筆

採箬編蒲課筆畊織簾居士擅書名掃來魯壁枯難用焚就秦灰煮不成飛白夜窓花入夢草玄秋閣雁銜橫中山本是盧郎宅錯認移封號管城

橘燈

掩映蘭膏葉底尋玉盤纖手出無心花開槐市枝



枝火霜滿江潭樹樹金繡佛傳燈珠錯落洞仙爭  
奕漏深沉饒他丁緩施工巧不及生成在上林

桃核船

漢家水戰習昆明曼倩偷來下瀨橫三士漫成齊  
相計五湖好載越妹行桑田核種千年久河渚槎  
浮一葉輕從此武陵漁問渡胡麻飯裏棹歌聲

蓮蓬人

獨立平生重此翁反裘雙袖倚東風殘身顛倒憑  
誰戲亂服麤疎耻便工共結苦心諸子散早拈香  
粉美人空莫嫌到老絲難斷總在污泥不染中

戲詠不倒翁

掉首浮生半紙輕一丸封就任縱橫何妨失足貪  
遊戲不耐安眠欠老成儘受推排偏屈強敢煩扶  
策自支撐却遭桃梗妍皮誚此內空空浪得名

海虞孫孝維三十贈言

法護僧彌並絕倫聽經蕭寺紫綸巾高齋點筆依  
紅樹画楫徵歌轉綠蘋一榻茶香專供佛五湖蝦  
菜待留賓丈夫早歲輕名宦鄧禹無爲苦笑人



其二

招真臺下讀書莊總角知名已老蒼何氏三高推  
小隱荀家羣從重中郎鬪茶客話千山雨寄橋人  
歸百顆霜太末理官孝若其兄也地產橋最佳塵尾執來思豎義旻  
公同飯贊公房

其三

始立何容減宦情法曹有弟尚諸生松窓映火茗  
芽熟貝葉研朱梵夾成金谷酒空消冶習曲江花  
落悟浮名花落者為扶桑志感也年來耻學王懷祖初辟中

六捧檄行

其四

高柳長風六月天青鞋白韉尚湖邊輕舟掠過破  
山寺橫笛邀來大石仙孫氏之先遇仙于鳥目山之王儉拜  
公猶昨歲張充學易在今年種松記取合圍後樹  
下著書堪醉眠

贈錢臣宸同年給諫公弟

杜家中弟擅閒身處士風流折角巾花萼一樓圖  
史遍竹梧三徑管絃新東都賓客多同輩西息田



園有主人酒熟好從君取醉春令原上獨傷神

贈荊州守袁大韞玉

袁為吳郡佳公子風流才調詞曲擅名遭亂北

都佐藩西楚尋以失職空囊僑寓白下扁舟歸里惆悵無家為作此詩贈之

曉日珠簾半上鉤少年走馬過紅樓五陵烽火窮途恨三峽雲山遠地愁盧女門前烏柏樹昭君村  
昨木蘭舟相逢莫唱思歸引故國傷心恐淚流

其二

霓裳三疊遍天涯浪跡巴丘度歲華賴有狂名堪作客誰知拙宦已無家西州士女章臺柳南國江山玉樹花正遇秋風蕭索甚淒涼賀老撥琵琶

其三

詞客開元擅盛名蕭條鶴髮可憐生劉郎浦口潮初長伍相祠邊月正明擊筑悲歌燕市恨彈絲法曲楚江情袁西樓樂府中有楚江情一齣善才已死秋娘老溼盡青衫調不成

其四

湘山木落洞庭波杜宇聲聲喚奈何千騎油幢持虎節扁舟鐵笛換漁簑使君灘急風濤阻神女臺



荒雲雨多楚相歸來唯四壁故人優孟早高歌

送楊懷湄擢臨安令

聽松鈴閣放衙陰飛瀑穿階石室琴許椽仙居丹

井在謝公游策碧雲深山農虎善樵微徑溪女蠶

忙採遠林此地何王誇衣錦錦城人起故鄉心令

都人臨安乃錢  
鏐衣錦城也

登縹緲峰

絕頂江湖放眼明飄然如欲御風行最高尚有魚

龍氣半嶺全無鳥雀聲芳草青蕪逃近遠夕陽金

碧變陰晴夫差霸業銷沈盡楓葉蘆花釣艇橫

過席允來山居

碧梧門巷亂山邊灑掃雖頻得自然石筍一林雲

活活藥欄千品雨娟娟養花性為先人好種樹經

從伯氏傳社酒已濃茶已熟客來長繫五湖船

贈武林李笠翁笠翁名漁能為唐人小  
說兼以金元詞曲知名

家近西陵伯薜蘿十郎才調歲蹉跎江湖笑傲誇

齊贅雲雨荒唐憶楚娥海外九州書志怪坐中三

疊舞迴波前身合是玄真子一笠滄浪自放歌



贈崑令王莘雲尊人杏翁永平人

半載江南客未深  
玉山秋靜夜沉吟  
九邊田牧思班壹  
三輔交游識季心  
快馬柳城常命酒  
軟輿花縣暫聞琴  
白頭閒說西京事  
曾記循良久賜金  
莘雲有能名未半載以錢糧報罷

客譚雲間帥坐中事

五茸絲管妓堂秋  
奪得蛾眉付主謳  
豈是絕纓諸將會  
偶因行酒故人留  
青尊有恨攀他手  
白削無情笑者頭  
若遇季倫西市日  
可宜還墮綠珠樓

別維夏

惆悵書生萬事非  
赭衣今抵舊烏衣  
六朝門第鴉啼遶  
九月關河木葉飛  
庾嶺故人猶未別  
維夏叔增城公  
子燕山游子早應歸  
正逢漉酒登高會  
執手西風歎落暉

庚子八月訪同年吳永調於錫山有感賦贈

廿載京華共酒尊  
十人今有幾人存  
京師知己為真率會今其

人零落已蓋多愁我已嫌  
身世高卧君還長  
子孫上馬

孤城喧渡口  
雲山老屋冷溪門  
相逢萬事從頭問



樺燭三條照淚痕

其二

杖藜何必遠行游。抱膝看雲鶴鬣裘。天遣名山供  
戶牖。老逢佳節占風流。干戈定後身還健。花月閒  
時我欲愁。莫嘆勝情無勝具。亂峰深處着高樓。永

有足疾

其三

黃花秋水五湖船。客鬢蕭騷別幾年。老去妻孥多  
下世。窮來官長有誰賢。酒杯驅使從無分。書卷消  
磨絕可憐。賸得當時舊松菊。數間茅屋對晴川。

其四

虛臺便闕信沉沉。話及清郎淚不禁。到處風波寧  
敢恨。僅存兄弟獨何心。南州師友江天笛。北固知  
交午夜砧。從此溪山避矰繳。暮雲黃葉閉門深。

送張玉甲憲長之官邛雅

秋水連天棹五湖。勞勞亭畔客心孤。飄蓬宦跡空  
迢遞。浩劫山川尚有無。石鏡開花惟自照。郫筒憶  
酒向誰沽。蕭條大散關頭路。匹馬西風入畫圖。

收

收



其二

劍外新傳一道通十年羣盜漫稱雄  
橫刀割取青神渡烈火燒殘白帝宮  
豈有山川歸李特猶能車馬識文翁  
誰將牛斗龍泉氣移在天彭井絡中

張從

江南學使者遷是職

其三

岷峨悽愴百蠻秋路折邛崃九坂愁  
城裏白雲從地出馬前黑水向人流  
松番將在看高卧雪嶺僧歸話遠游  
欲問辟支諸佛土貝多羅樹即關頭

雅州

關外即鳥思藏

其四

錦官春色故依然料理蠶叢半壁天  
葛相祠堂尋有蹟譙玄門戶訪誰傳  
還家杜宇三更夢寄遠菖蒲十樣箋  
此去壯游何所恨思君長問楚江船

哭中書趙友沂兼柬其尊甫洞門都憲

長沙長子九江船御史臺西月正圓  
兩省親朋歡笑日一官詩酒亂離年  
朱樓有淚看楊柳白髮無家聽杜鵑  
太息賈生歸未得湘花湘草夕陽邊



贈學易友人吳燕餘

風雨菰蘆宿火紅胥靡憔悴過墻東吞爻夢逐虞  
生放端策占成屈子窮縱絕三編身世外橫添一  
畫是非中道人莫訝姚平笑六十應稱未濟翁

但非詩耳若  
入康節輩語  
自妙

其二

註就梁丘早十年石壕呼怒筆門前范升免後成  
何用甯越鞭來絕可憐人世催科逢此地吾生憂  
患在先天從今郟上田休種簾肆無家取百錢

壽繼起和尚

故山東望路微茫講樹秋風老着霜不羨紫衣誇  
妙相惟憑白足遍諸方隨雲舒卷身兼杖與月空  
明詩一囊台頂最高三萬丈道人心在赤城梁

惠山二泉亭為無錫吳邑侯賦

九龍山半二泉亭水遁名標陸羽經寺外流觴何  
處訪公餘飛鳥偶來聽丹凝高閣空潭紫翠溼層  
巒樹青治行吳公今第一此泉應足勝中泠

與上文無涉



梅村集卷第十五

七言律詩五

過三峰藥公話舊

霜落千峰曳杖尋  
筍輿衝雨過高林  
埋書草沒松根  
史洗鉢泉流石磴  
琴萬事幾經黃葉  
夢三生難負碧潭  
心山童不省團圞  
話催打溪鐘夜未  
深

永平田君宗周吳故學博也袁重其識之尤

展成司李其地相見詢袁年百有二矣索詩

紀異并簡展成



重其豈可引表  
蓋所謂不於其  
倫

北平車馬訪烟蘿記向夷齊廟下過百歲共看萊  
伏勝一經長在漢田何知交已料滄江少耆舊翻  
疑絕塞多聽罷袁絲數東望酒酣求作絳人歌

顧西嘯侍御同沈友聖虎丘卽事

註就逍遙賦大風彥先才調擅諸公晴川兩岸憑  
欄外雪嶺千尋攬轡中我昔楚江同宋玉君今吳  
市訪梁鴻芳洲杜若無能採慚愧當年過渚宮

其二

喻蜀書成楚大夫征帆萬里到江湖鄉心縹緲思  
黃鶴祖德風流話赤舄問俗駐車從父老尋山着  
屐共牛徒君家自有丹青筆衰白追陪入畫圖

其三

生公石畔廣場開短簿祠荒閉綠苔山榼偶攜羣  
吏散布帆無恙故人來爭傳五月登高會應改三  
江作賦臺自是野王思故里可知先賞陸機才

其四

一馬雙僮出野塘論文蕭寺坐匡床花移埃鼓青  
油舫月映行厨白石廊漫叟短歌傷老大散人長



揖怨清狂細將朋友從頭數落落申生是與沈郎

贈松江郡侯張升衢從江寧遷任

石城門外水東流簫鼓千人最上頭二陸鄉園江  
畔樹三張詞賦郡西樓油幢置酒尊鱸夜画舫鈎  
簾秔稻秋聞道青溪行部近兒童欣喜使君游

贈松郡副守涪陵陳三石官董漕

獨上高城回首難揚雄老去滯微官湖天搖落雲  
舒卷巫峽蕭森路折盤廿載兵戈違故里千村輪  
輓向長安京江原是三巴水莫作鄂筒萬里看

贈松郡司李內江王擔四

十月江天曉放衙茸城寒發錦城花金隄更植先

人柳玉壘重看使者車父侍御治京口湖堤庾嶺霜柑書憶

弟弟粵東令曲阿春釀夢思家侍御避亂僑居丹陽詩成別寫鵝

溪絹廳壁風篁醉墨斜善寫竹

贈彭郡丞益甫

樓船落日紫貂輕坐嘯胡床雁影橫雨過笛生黃

歇浦花開夢遶發干城舊棠邑令龍蛇絹素爭搖筆善書

松杏山河已息兵杏山人慷慨與君談舊事夜深欣



共酒盃傾

十月下澣借九日過雲間公讌闌石蒼水齋

中同文饒諸子

百里溪山訪舊游南皮賓客盛風流文章座上驚  
黃絹名字人間愧白頭董相園開三徑夜陸生臺  
在九峰秋酒酣莫話當年事門外滄江起暮愁

其二

霜落南樓笑語清無端街鼓逼嚴城三江風月尊  
前醉一郡荆榛笛裏聲花滿應徐陪上讌歌殘稽

阮隔平生歸來枕底天涯夢喔喔荒雞已五更

贈松江別駕日照安肇開

秋盡西風鬢影蒼伏生經術蓋公堂雞聲日出秦  
祠遠鶴唳江空禹蹟荒二水淄澠杯酒合三山樓  
觀畫圖裝歸來好啗安期棗不夜城頭是故鄉

滇池鏡吹

碧雞臺榭亂雲中舊是梁王避暑宮銅柱雨來千  
嶂洗鐵橋風定百蠻通朱鸞縣小輸賓布白象營  
高掛柘弓誰唱太平滇海曲檳榔花發去年紅

一郡荆榛寒雨聲  
唐人句妙忽貼入  
笛則上四字不屬  
矣

收

8



其二

苴蘭城闕鬱岩峩。貝葉金書使者朝。海內徵輪歸  
六詔。天邊勳伐定三苗。魚龍異樂軍中舞。風月蠻  
姬馬上簫。莫向昆明話疏鑿。道人知已劫灰消。

其三

靄翠奢香祠總荒。蘆笙吹徹瘴雲黃。縱擒有策新  
疆定。叛服何嘗舊史亡。鬼國三年勞薄伐。王師五  
月下殊方。瀾滄肯為他人渡。不許窺人有夜郎。

其四

盤江西遶七星關。可渡河邊萬仞山。隴上舊傳收  
白帝。南中今喜定身蠻。龍坑壯馬看馳驟。雞足高  
僧任往還。辛苦武侯停節處。殘碑零落草班班。

儒將

河朔功名指顧收。身兼使相領諸侯。按兵白道調  
神鵲。挾妓青山駕快牛。論敵肯輸楊大眼。知書不  
減范長頭。它年信史推儒將。馬稍清談第一流。

俠少

寶刀千直氣凌雲。俠少新參龍武軍。柳市博徒珠

收 收 收 收



勒馬柏堂箏妓石華裙招權夜結金安上挾策朝  
干王長君堪笑年年秘書客白頭空守太玄文

山居郎事示王惟夏郁計登諸子

灌木清漳五畝居山菘簷果釣竿魚金龜典後頻  
賒酒塵尾燒來為著書對客好穿高齒屐出門常  
駕短轅車陸倕張率呼同載三月江南正祓除

九峰詩

鳳凰山

碧樹丹山千仞岡夫差親獵雉媒場五茸風動琅

玕寶三泖雲流沆瀣漿鳥聽和鳴巢翡翠花舒錦  
翼照文章西施醉唱秦樓曲天半吹簫引鳳凰

庫公山

庫公石礪掩莓苔千載陰符戰骨哀鐵鎖任從田  
父識玉書休為道人開三分舊數江東望二俊終  
非馬上才恨殺圯橋多授受鬪宅劉項至今來

神山

紫蓋青童白鹿巾細林仙館鶴書頻洗來丹井千  
年藥蛻去靈蛇五色鱗洞起春雲招勝侶潭空秋



月證前身赤松早見留侯忘何況商顏避世人

### 奈山

溪堂剪燭話徵君通隱昇平半席分茶笋香來朝  
命酒竹梧陰滿夜論文知交倒屣傾黃閣妻子誅  
茅住白雲處士盛名收不盡至今山屬奈將軍

### 薛山

薛公高卧始何年學士傳家有墓田在自布衣登  
侍從長將雲壑讓神仙坐來石榻蒼苔冷採得溪  
毛碧藕鮮最愛玉屏山下路月明橋畔五湖船

### 機山

蒹葭滿日雁何依內史村邊弔陸機豪士十年貪  
隱遯通侯三世累輕肥江山麗藻歸文賦京洛浮  
沉負釣磯白袷未還青蓋遠辨亡書在故園非

### 橫雲山

橫雲插漢領諸峰雨過泉飛亂壑松赤壁豈經新  
戰伐丹楓須記舊游蹤祠荒故相江村鼓客散名  
園蘭若鐘莫信參龍雲不去此山雲只爲人龍

山有

龍母祠又  
陸雲故宅



天馬山 一名干山

龍媒天馬出昆崙青海長留汗血痕此地干將騰

劍氣何來逸足鑠雲根石鯨潭影秋風動 山有二石魚飛

去鐵笛江聲夜雨昏 鐵崖 芻秣可辭銜勒免空山 葬處

長放主人恩 其人下語會代音亦別以平韻六十五

小昆山

積玉昆岡絕代無讀書臺上賦吳都君臣割據空

祠廟家國經營入畫圖勢去河橋悲士馬詩成山

館憶尊鱸傷心白壁投何處汗簡淒涼陸大夫

送贛州曾庭聞孝廉移家寧夏

十年走馬向天涯回首關河數暮鴉大庾嶺頭初

罷戰賀蘭山下不思家詩成磧裏因聞雁書到江

南定落花夜半酒樓羌笛起軟裘衝雪踏鳴沙

贈何匡山

早年納節卧滄浪回首風塵鬢髮蒼陶令軍營姑

孰口 大兵收溧陽 謝公游墅石門莊 後僑寓溧陽

門精舍即 山田種罷輸嘗稅海國歸來認故鄉 何本

其地也 二月村居春雨足官梅花發為何郎 今歸

收

收

收



題海虞孫子長七十壽圖

春秋註就授生徒虞仲祠前一老夫身几看雲吟  
箇閣布帆衝雨醉菱湖空山撫操彈三峽故國興  
懷賦兩都同輩半非身健在為誰寫入煉丹圖

徐神翁  
煉丹處

觀蜀鵑啼劇有感 并序

蜀鵑啼者丘子嶼雪為吾兄成都令志衍  
作也志衍一官遠宦萬里嚴裝愛弟從行  
故人送別上游梗塞盡室扶攜既舍水而

并叙

登山甫自滇而入蜀北都覆沒西土淪亡  
身殉封疆家罹鋒鏑嗚呼三十六口痛碧  
血之何存一百八盤招游魂而莫返無兒  
可托有弟言歸竄身荆棘之林乞食狼狽  
之族望蠻烟而奔走脫賊刃以崎嶇耻趙  
禮之獨全赤眉何酷恨童身之不免黃口  
奚辜爰將委巷之謳展作巴渝之舞庾子  
山之賦傷心時方板蕩袁山松之歌行路  
聞且唏歔余也老逐歡游閒逢浩唱在中



年早傷於哀樂况昔夢重感乎交朋豈獨  
伍相窮來憐者有同聲之歎遂使雍門曲  
罷泫焉如亡邑之人瞻望兄兮猶來思悲  
翁而不見蘭堂客散金谷詩成非關聽伎  
之吟聊當懷人之什爾

花發春江望眼空杜鵑聲切畫簾通親朋形影燈  
前月家國音書笛裏風百口悔教從鳥道一官催  
去墮蠶叢雪山盜賊今何處腸斷箜篌曲未終

其二

江關蕭瑟片帆留策馬俄成萬里游失計未能全  
愛子端居何用覓封侯雲山已斷中宵夢絃管猶  
開舊日樓二月東風歌水調鶴鴒原上使人愁

其三

平生兄弟劇流連高會南樓盡少年往事酒杯來  
夢裏新聲歌板出花前青城道士看游戲白髮衰  
翁漫放顛雙淚正垂俄一笑認君真已作神仙劇

志衍兵  
解仙去

其四



過盡蠻江與瘴河還家有弟脫兵戈狂從劇孟千  
場博老愛優旃一曲歌紅豆花開聲宛轉綠楊枝  
動舞婆娑不堪唱徹關山調血汚游魂可奈何

題華山藥菴和尚画像

和尚熊姓字魚山直諫予杖不死後入道

清如黃鵠矯如龍浩劫長指不壞松四國雞壇趨

北面千年雪嶺啓南宗

西銘復社漢月禪燈皆師令吳江時身所興起

湖風世歸梅福經卷殘生繼戴顓諍論總銷隨諫

草故人已隱祝融峰

繼公隱南嶽藥公本師也

其二

西南天地嘆無歸漂泊干戈愛息機黃蘗禪心清

磬冷白雲鄉樹遠帆微全生詔獄同官在

指姜如農乞

食江城故老稀

松陵

布衲綻來還自笑篋中血裏舊

朝衣

戊申上巳過吳興家園次太守招飲郡圃之

愛山臺坐客十人同脩禊事余分韵得苔字

六客堂西禊飲臺亂山高會嘯歌開塔懸津樹雨

中出鐘送浦帆天際來同輩酒狂眠怪石前賢墨

妙洗蒼苔右軍勝集今誰繼仗有吾家季重才

收

收



立夏日陪園次郡伯過孫山人太白亭落成  
置酒分酌得人字

春盡山空鶴唳頻亂雲歸處鎖松筠江湖有逍容  
奇士關隴無家出俊人招隱起亭吟社客散仙留  
冢醉眠身一瓢零落殘詩在誰伴先生理釣緝

得友人札詢近况詩以答之

溪堂六月火雲愁支枕閒窓話貴游王令文章今  
日進丘公仕宦早年休道衰薄俗甘棲遁才退殘  
書勉勸讐京雜故人聞健飯黃塵騎馬來城頭

收

八風詩 并序

余消夏小園風翯然而四至雖泠泠可以  
折醒已疾而凄其怒號不能無爰居之思  
避其庶人之雌風乎聊廣其意作為此詩  
莊列寓言沈謝作賦庶以鳴候蟲而諧比  
竹若云俟諸輶軒則此不足採也

其一 東風

汴水楊花撲面迎飄飄飛過雒陽城陶潛籬畔吹  
殘醉宋玉墻頭送落英油壁馬嘶羅袖舉綠塘波



梅村集十五  
十二  
皺画簾聲獨憐趙后身輕甚斜倚離闌待月生

其二 南風

玉尺披圖解愠篇相身高指越裳天終南雲出松  
檜響雙闕雨飛鈴索懸師曠審音吹不競鍾儀懷  
土操誰傳九疑望斷黃陵廟曾共湘靈拂五絃

其三 西風

落日巴山素女秋梧宮蕭瑟唱涼州白團掌內恩  
應棄絳蠟窓前淚未收隴坂征夫蘆管怨玉關思  
婦杵聲愁可堪益部龍驤鼓獵獵牙旗指石頭

其四 北風

萬里扶搖過白登少卿書斷雁難憑蕭梢駿尾依  
宛馬颯爽雄姿刷代鷹野火燒原青海雪驚沙擊  
面黑河水愚公墮戶頭如蝟傳道君王獵霸陵

其五 東南風

紫蓋黃旗半壁中斗牛斜直上游通漫分漢沔魚  
龍陣須仗江湘鳥鵲風拔柁引船濡口利禡牙揮  
扇赭圻功試看片刻周郎火一捲曹公戰艦空  
三國志周瑜傳註黃蓋取輕艦十舫載燥荻枯柴建旗  
旗于上時東南風急同時發火燒盡北船曹公退



走

其六 西南風

武帝雄圖邛笮開相如馳傳夜郎回巴童引節旌

旄動夔馬隨車塵土來堯女尚應愁赭樹 史記秦皇西南

渡淮水浮江至湘山祠逢大風幾不得渡知是堯女使刑徒伐湘山樹赭其山 楚王從此

怕登臺小臣欲進乘槎賦萬里披襟好快哉

其七 東北風

飛廉燁怒向人間徐福求仙恨未還萬乘雨休封

禪樹 史記封禪書始皇上太山八神波斷羨門山

史三神山在渤海中患且至則船引風而去始皇時方士皆以風為解○八神皆在齊北成山斗入

海最居齊東北隅 蕭蕭班馬東巡海發發翬旌北距關錯

認祖龍噫氣盛蓬萊咫尺竟誰攀

其八 西北風

沛宮親作大風歌往事彭城奈楚何身陷重圍逢

晦冥天留斃騎脫干戈 史記項王圍漢王三匝大風從西北起折木發屋揚

沙石窈冥晝晦楚軍亂乃得遁去 威加河朔金方整地遶幽并殺

氣多好祭蚩尤耐風伯飛揚長護漢山河

贈同年嘉定王進士內三



槎浦岡頭自種田居然生活勝焦先赤松採藥深山隱白鶴談經古寺禪孺仲清名交宦絕彥方高行里聞傳曲江細柳新蒲綠回首銅龍對策年

其二

翠竹黃花一草堂柴門月出課畊桑蘇林投老思遺事譙秀辭徵住故鄉彊飯却扶芒屨健高歌脫帽酒杯狂莫嗟過眼年光易征調初嚴已十霜

其三

先生吟社夜留賓紫蟹黃雞甕面春萬事夢中稱

幸與一家榜下出閒人

內三及二子皆科第而不仕

君房門第

多遷改叔度才名固絕倫

指上谷江夏

青史舊交餘我

在北窓猶得岸烏巾

其四

晚歲風流孰似君烏衣子弟總能文青箱世業高門在白髮遺經半席分正禮雙龍方矯角釋奴千里又空羣外家流輩非容易肯信衰宗有右軍

大中丞心康韓公九月還自淮南生日為壽聞闔清秋爽氣來尚書新自上游回八公草木登



高宴九日茱萸置酒臺兵食從容經久計江淮安  
穩濟時才尊前好唱南山曲笳鼓西風笑語開

贈李膚公五十

先德傳家歷苦辛汗青零落剩閒身雲山笑傲容  
遺叟松菊招尋見故人猶有田園供伏臘豈無書  
卷慰沉淪只看五月開樽宴撥刺江魚入饌新

庚戌梅信日雨過鄧尉哭剖石和尚遇大雪

夜宿還元閣

筍輿衝雨哭參寥宿鳥啾鳴萬象凋北寺九成新

妙塔

師修報恩塔初成

南湖千頃舊長橋雲堂過飯言猶

在

去歲與師同飯山閣

雪夜挑燈夢未消最是曉鐘敲不寐

半天松栝影蕭蕭

其二

投老相期共閉關

師有招住山中之約

影堂重到淚潺潺身

居十地莊嚴上

師初刻華藏圖

道出三峰玄要間壞衲風

光青桂冷

四宜堂叢桂最盛

殘經燈火白雲間吾師未句

分明在雪裏梅花雨後山

送許堯文之官莆陽

收



烏石烟巒列畫圖雙旌遙喜入名都路經鷓嶺還  
龍嶺符剖鴛湖更鯉湖訪舊草堂搜萬卷吟詩別  
墅補千株知君不淺絃歌興別有高樓起望壺

其二

榕陰五馬快驂驪親到游洋古越南抹麗香分魚  
鮑細荔支漿勝橘奴甘鮫宮月映浮春嶼蜃市烟  
消見夕嵐此去塞帷先問俗上溪秋色正堪探

感舊贈蕭明府

余年三十有一以已卯七月奉命封延津

孟津兩王於禹州過汴梁登梁孝王臺適  
學使者會課屬郡知名士於臺上因與其  
人諮訪古蹟徘徊久之而後行逾三十三  
年雒陽蕭公涵三從道臣左官來治吾州  
拭目驚視云曾識余則蕭公乃臺上諸生  
中一人也感舊太息為賦此詩

三十張旌過大梁繁臺憑眺遇蕭郎黃河有恨歸  
遺老朱邸何人問故王授簡肯忘羣彥會棄繻誰  
識少年裝長卿駟馬高車夢臥疾相逢話草堂

收

8

并叙收



同孫浣心郁靜巖家純祐過福城觀華嚴會  
不求身世不求年二六時中小有天今日雲門纔  
喫棒多生山谷少安禪茶鐺藥臼隨時供蒲笠蕉  
團到處眠撒手懸崖無一事經聲燈火覺王前





